

Ibuku rĩa Ngai kũrĩ ciana
nĩrĩrakũrehera



Kanitha
Gũcemia
na Thĩĩna



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani

Rũtungĩtwo nĩ: Bible for Children
www.M1914.org

©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.




Thikũ mĩrongo ĩtaano thuutha wa Mũru wa Ngai
kũriũka kuuma kũrĩ akuũ, Roho Mũtheru agĩũka
gũikara hamwe na arũmĩrĩri aake. Onagũkorwo
arutwo matiataũkagwo ũrĩa Ngai ithe, Ngai mwana
(Jesũ) na Ngai Roho Mũtheru mangĩarĩ Ngai ũmwe,
nĩ maarĩ na gĩkeno gũkorwo na Ngai hamwe nao.
Ngai agĩĩka maũndũ ma magegania gũteithia atũmwo
meere andũ angĩ ũhoro wa Jesũ.



Andũ arĩa meetĩkĩĩtie Jesũ
magayanĩte indo ciothe iria
maarĩ nacio nĩguo athĩĩni
marorwo. No bamĩrĩ ĩmwe ya
Anania na Safira makĩaga
wĩĩhokeku. Makĩendia
mũgũnda na magĩĩtua
kũreehe mbeeca
ciothe kũrĩ
atũmwo.
Makĩĩhithĩra
ĩmwe.






Petero akĩũria Anania, "Caitani
aiyũrĩite ngoro yaaku nĩkĩ nĩguo
ũheenie Roho Mũtheru . . . ?
Ti andũ ũheneetie no nĩ Ngai."
Anania akĩgũa thi na akĩhuuhia
rĩa mũico. Na andũ eethĩ
makĩmuoha, makĩmũkuua
na makĩmũthika.



Thuutha wa kahinda kaniini Safira akĩingĩra,
atakũmenya atĩ mũthuuri wake nĩakuĩte.
Akĩhenania ũhoru wa mbeeca icio - na
ũndũ ũcio ũgĩĩkĩka kũrĩ we. Guoya mũnene
ũkĩingĩra kũrĩ andũ arĩa othe maigwire.





Ngai Roho Mũtheru
eekire maũndũ
maingĩ ma ciama na
ũrirũ kũgerera
atũmwo. Kwa
mũhiano, andũ
arwaru nĩmahonagio
rĩrĩa kĩiruru kĩa
Petero kĩamahutagia.



Rĩarĩ ihinda rĩa
ciama nene, kuonania
gũkorwo ho kwa
Ngai. Andũ
aingĩ magĩĩtĩkia
Jesũ. Ũndũ ũyũ
ũkĩrakaria Mũthĩnjĩri
Ngai Ũrĩa Mũnene.

Agĩathana arutwo
maikio njeera!





No ūtukũ mūraika
wa Mwathani
akĩhingũra mĩrango
ya njeera na
akĩmaruta na
akiuga, "Thiĩ,
mũrũgame

hekaarũinĩ na mwarĩrie andũ maũndũ mothe ma
muoyo ũyũ." Atũmwo magĩthiĩ na makĩambĩrĩria
kũhunja ũhoru wa Jesũ. Rũciinĩ andũ a Mũthĩnjĩri
Ngai Ūrĩa Mũnene magĩkora njeera ĩtarĩ mũndũ.



Rĩrĩa amoonire, Mũthĩnjĩri Ngai Ũrĩa Mũnene
akĩnegenia arutwo. "Githĩ tutiamũathire mũtikarutane
thĩinĩ wa rĩitwa riiri?" Petero na arutwo acio angĩ
magĩcookia, "Twagĩrĩire gwathĩkĩra Ngai no ti andũ."
Mũthĩnjĩri Ngai Ũrĩa Mũnene akĩrakara mũno, ona
endaga kũũraga atũmwo. Handũ ha ũguo agĩathana
mahũũrwo na marekio.

Thengia ya ruo
rwao, atũmwo
magĩathĩkĩra
Ngai na
magĩthĩ na
mbere
kũhunja
Jesũ.



Mũthenya ũmwe mũndũ wetagwo Stefano akĩnyitwo. Stefano nĩendeete Mwathani Jesũ. Roho Mũtheru nĩamũhũthagĩra kwĩra andũ ũhoro wa Jesũ. Andũ amwe makĩhenania, makiuga atĩ Stefano aaragia

mũgarũ na Ngai. Maarĩkia ciira wa maheeni, Stefano akĩhũũrwo na mahiga agĩkua nĩũndũ wa wĩtĩkio wake thĩinĩ wa Jesũ.



Atanakua, Stefano, aiyũrĩtwo
nĩ Roho Mũtheru akĩrora
matuinĩ na akĩona riiri
wa Ngai na Jesũ
arũgamĩite guokoinĩ
kwa ũrĩo
kwa Ngai.



Kĩrĩndĩ gĩkĩhũũra Stefano na mahiga na rĩrĩa
akayagĩra Ngai akiuga,
"Mwathani Jesũ, amũkĩra
muoyo wakwa." Ta
Jesũ mũtharabainĩ,
mũndũ ũyũ waarĩ
na ũcamba
akĩhũthĩra
mĩhũũmũ
yake agĩkua
akĩhooya Ngai
oohere arĩa
mamũũragaga.



Gĩkuũ kĩa Stefano gĩkĩambĩrĩria ihinda rĩa
kũnyarĩrwo. Kamwana kamwe geetagwo Saulu, karĩa
gateithĩĩtie andũ arĩa mooragire Stefano, kanyiitaga
Akristiano arĩa othe koonaga. Aingĩ ao makĩũra
kuuma mĩcĩ yao na makĩhurunjũka magĩthĩĩ Judea
na Samaria. No atũmwo matigirwo Jerusalemu.



Onagũkorwo thũ ciao nĩciageragia kũmũũraga, arĩa
mahurunjũkĩite magĩthĩĩ kũndũ guothe kũhunja
ũhoro mwega wa Jesũ. Hatirĩ ũndũ ũngĩagiririe
arũmĩrĩri a Jesũ kũhunja -
nĩũndũ Roho Mũtheru wa Ngai
aikaraga thĩinĩ waao na
akaruta wĩira kũgerera o.



Kanitha Gũcemanía na Thĩĩna

Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Atũmwo 5-7

"Ciugo Ciaku ciatarĩrio nĩirehaga ũtheri."
Thaburi 119:130



Mũico



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩinĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

